



Ponedjeljak, 28.11.2022. godine

Poštovani,

U vezi vašeg upita vezanog za rušenje kolibe na Babinom Dolu, koja je u vlasništvu Udruženja Extreme Sport Sarajevo, a radi potpunog i tačnog informisanja o ovom slučaju upućujemo dodatno objašnjenje na Vaš već objavljeni tekst.

Postupajući inspektor Općine Trnovo dana 14.07.2021. godine uputio je poziv Udruženju „Extreme Sport Club Sarajevo“ da dana 27.07.2021. godine pristupe u službe prostorije Općine Trnovo lično ili putem ovlaštenog lica, a u vezi privremenog korištenja javne površine na lokalitetu Babin Do, Bjelašnica, općina Trnovo, na dijelu parcele označene kao k.č. 3102/13 k.o. Presjenica, općina Trnovo.

- Dana 27.07.2021. godine po pozivu od 14.07.2021. godine uredno se odazvao gospodin Mirvad Zenuni, predsjednik kluba, a u vezi sa korištenjem javne površine na kojoj gore spomenuti klub ima postavljen montažno-demontažni objekat. Subjekt nadzora nije donio na uvid dokumentaciju, odnosno odobrenja za korištenje javne površine.
- Postupajući inspektor investitoru ostavlja dodatni rok do 17.08.2021. godine, te će se nastavak inspekcijuskog nadzora nastaviti na licu mjesta, na lokalitetu Babin Do, prilikom kojeg se investitor obavezuje donijeti na uvid dokumentaciju o korištenju javne površine.
- Dana 17.08.2021.godine inspektor izlazi na lice mjesta, na lokalitet Babin Do, Bjelašnica, međutim niko od ovlaštenih lica Extreme Sport Cluba Sarajevo se nije pojavio na

dogovoreni termin, te je inspektor sačinio zapisnik na terenu kao i fotodokumentaciju, a nakon toga na dan 19.08.2021. godine donio Rješenje o uklanjanju objekta, na šta je Extreme Sport Club Sarajevo uputio žalbu drugostepenom organu. Drugostepeni organ, Ministarstvo komunalne privrede, infrastrukture, prostornog uređenja, građenja i zaštite okoliša potvrđuje Rješenje Službe za civilnu zaštitu i inspekcijske poslove Općine Trnovo, a žalba se odbija kao neosnovana.

Općina Trnovo, tačnije Općinski inspektor donio je i Zaključak o dozvoli izvršenja rješenja, na koji nije bilo žalbe. Rješenje je postalo pravosnažno i izvršno, te je dana 29.11.2022. godine zakazano prinudno uklanjanje montažno-demontažnog objekta, s tim da je ostavljena mogućnost da investitor do tog datuma sam započne uklanjanje objekta kako bi izbjegao štetu po imovinu Kluba. O započetim poslovima uklanjanja isti je dužan obavjesti nadležnu inspekciju, do dana 28.11.2022. godine.

Napominjemo radi se o inspekcijском postupku- uklanjanju objekta, izgrađenog u montažno-demontažnom načinu gradnje, lociranom na Babinom Dolu, na zemljištu javne površine, koji nema odobrenje izdato od nadležne Općinske službe od 2016. godine do današnjeg dana.